

Allannguutissatut siunnersuut

uunga

Uunga siunnersuut: Inuussutissat pillugit Inatsisartut inatsisaata allanngortinneqarnera pillugu Inatsisartut inatsisaat nr. xxk, xx.xxxx 2019-imeersoq.

Aalisarnermut, Piniarnermut Nunalerinermullu Ataatsimiititaliamit suliarineqartussanngorlugu Naalakkersuisunit saqqummiunneqartoq.

§ 49-mut

1. § 49, imm. 1, nr. 2 imatut oqaasertalerneqassaaq:

”2) § 8, imm. 1, § 8, imm. 3, §§ 39-42, aamma § 43, imm. 1. malillugit peqqussutinik malinninngitsoq imaluunniit inerteqqutinik piumasaqaataasunilluunniit unioqqutitsisoq.”

2. § 49, imm. 2-3, imatut oqaasertalerneqassaaq:

”Imm. 2. § 6, imm. 3, § 7, imm. 2 aamma 4, § 8, imm. 2, § 9, § 10, imm. 2, §§ 11-15, § 17, imm. 2, § 18, imm. 2, § 22, §§ 25-31, § 33, § 34, imm. 1, § 35, imm. 1, § 36, 38, imm. 2, § 43, imm. 2, aamma § 47 malillugit najoqqutassatut malittarisassani aalajangersarneqartuni aalajangersarneqarsinnaavoq najoqqutassatut malittarisassani aalajangersakkanik unioqqutitsineq akiliisitsinermik kinguneqarsinnaasoq.

Imm. 3. Inatsisartut inatsisaat imaluunniit maligassat atuutilersinneqartut Inatsisartut inatsisaat akilii-sitsisummik aalajangersaanissamik tunngavissaqartitsippata, akiliisitsissut Kalaallit Nunaanni Pinerluttulerinermi inatsimmi kapitali 5-imi malittarisassat malillugit inatsisitigut pisinnaati-taasoq pisussaatitaasorlu akiliisitsisummut akileeqqullugu peqquneqarsinnaavoq.”

Kalaallit Nunaanni Namminersorlutik Oqartussat, ulloq xx.xx. 2019

Allannguutissatut siunnersummut nassuaatit

Nassuaatit nalinginnaasut

Inuussutissat pillugit Inatsisartut inatsisaat nr. xx, xx xxx 2019-imeersoq inatsisilerinermut tunngatillugu misissuereernikkut iluarsineqassasoq siunnersuutigineqarpoq, paasineqarmammi inatsisilerinermut tunngatillugu siunnersuummi § 49-imi naapertuitinngitsoqartoq. Taamaalilluni allannguutissatut siunnersuutikkut siunnersuummi iliuuserineqartussatut aalajangersakkat innersuussinerillu eqqortuunissaasa isumannaarneqarnissaat siunertaavoq.

Siunnersuummi § 49, imm. 3-mut nassuaatini Kalaallit Nunaannut pinerluttulerinerimi inatsimmi § 12-imut kukkusumik innersuussisoqarsimanera paasineqarpoq. Taamaammat tassunga nassuaatitut siunnersuummut immikkut oqaaseqaatini nr. 3 ilanngunneqarpoq.

Allannguutitut siunnersuut aningaasatigut allaffissornikkulluunniit kinguneqassanngilaq.

Allannguutissatut siunnersuummi aalajangersakkanut ataasiakkaanut nassuaatit

Nr. 1-imut

Allanngortitsineq teknikikkut iluarsiineruvoq, tassami § 8, imm. 1 aamma § 8, imm. 3 peqqusummik, inerteqqummik piumasaqaatinillu unioqqutitsinermik imaqarmata § 49, imm. 1, nr. 2-mut ilaareersunik.

Nr. 2-mut

Imm. 2-mut

Allanngortitsineq teknikikkut iluarsiineruvoq, tassami § 8, imm. 2 inatsimmi tunngavissatut paragraffiummat § 49, imm. 2-mut ilaareersoq.

Imm. 3-mut

Kalaallit Nunaannut pinerluttulerinerimi inatsimmi kapitali 5, §§ 17-19-imi takuneqarsinnaavoq ingerlatseqatigiiffinnut il.il. pinerluttulerinerimi inatsisitigut akisussaaffiit pillugit aalajangersakkanut ilaasut, allanik aalajangiisoqarsimanngippat, kinaluunniit inatsisitigut akisussaasoq, matumanik aktiaateqarluni, piginneqataasutut piginnaatitaalluni aamma piginneqataassuteqarluni ingerlatseqatigiiffiit, soqutigisaqaqatigiiffiit, peqatigiiffiit, aningaasaateqarfiiit, pigisat agguassassat, kommunit, namminersorlutik oqartussani oqartussaasut aamma naalagaaffimmi oqartussaasut ilanngullugit.